

Kev Tsis Yuav Cai Tu Me Nyuam Mos Yug Tshiab thiab Daim Ntawv Teev Lus Nug

Koj tsis tau npaj yuav muaj me nyuam.

Tsis paub tseeb tias yuav ua dab tsi?

Kev tso koj tus me nyuam rau hauv ib qhov chaw uas muaj kev nyab xeeb yog ib qho kev xaiv.

Tus xov tooj maj rawm txog kev muab ntaub ntawv qhia paub:

Tus Xov Tooj Maj Rawm Txog Kev Noj Qab Haus Huv Ntawm Leej Niam thiab Me Nyuam:

1-800-722-2295

<https://www.dhs.wisconsin.gov/mch/index.htm>

Qhov Chaw Muaj Kev Nyab Xeeb rau Cov Me Nyuam Yug Tshiab

Tus Nab Npawb Thaum Muaj Kev Kub Ntxhov: 1-877-440-2229

www.safeplacefornewborns.org

Nyob hauv Wisconsin Cov Niam Cai § 48.195, niam thiab txiv tuaj yeem tso lawv tus me nyuam yug tshiab uas tsis muaj kev phom sij (hnuv nyoog qis dua 30 hnuv) yam tsis tas qhia npe thiab tsis muaj kev ntshai tias yuav raug txim rau hauv lub cuab yeej muaj kev nyab xeeb rau tus me nyuam mos yug tshiab raws li tau teev tseg nyob hauv 48.195(1b)(b) los sis nrog tub ceev xwm saib xyuas kev cai lij choj, tus kws kho mob xwm txheej ceev los sis tus tswv cuab neeg ua hauj lwm hauv tsev kho mob.

Koj tsis tas yuav tau qhia koj lub npe los sis qhov chaw nyob rau tus neeg uas txais tus me nyuam mos yug tshiab, tshwj tsis yog tias cov xwm txheej tom ntej no muaj tseeb:

1. Tus me nyuam mos raug kev phom sij; los sis
2. Muaj ib tug neeg twg yuam kom koj tso tseg tus me nyuam mos; los sis
3. Tus me nyuam mos muaj hnuv nyoog tshaj 30 hnuv lawm.

Koj tuaj yeem tiv tauj Lub Thawj Fab Hauj Lwm Pab Cuam Tib Neeg los sis Xaus Saus Hauv Cheeb Tsam Nroog hauv lub cheeb tsam nroog uas koj tau tsis yuav cai saib xyuas tus me nyuam mos yug tshiab yog tias koj hloov koj lub siab. Ua ntej cheeb tsam nroog yuav txiav txim siab txog kev xa tus me nyuam mos yug tshiab rov qab rau koj, ua ntej tshaj plaws koj yuav tsum qhia ua pov thawj tias koj yog tus me nyuam mos niam thiab txiv tso. Kev kuaj txog caj ces tuaj yeem ua pov thawj tau tias koj yog niam thiab txiv.

Yog tias koj yog niam thiab txiv, koj yuav tsum ua ob peb qhov kauj ruam ua ntej yuav xa tus me nyuam rov qab rau koj, suav nrog:

- Mus ntsib nrog Tus Neeg Ua Hauj Lwm Pab Zej Tsoom Hauv Cheeb Tsam Nroog;
- Cia tus neeg ua hauj lwm hauv Cheeb Tsam Nroog tuaj mus saib koj lub tsev los sis qhov chaw uas koj npaj yuav nyob nrog koj tus me nyuam mos;
- Qhia txog tej ntaub ntawv qhia paub tias vim li cas koj thiaj li tau tso tseg koj tus me nyuam mos;
- Qhia tej ntaub ntawv qhia paub txog kev noj qab haus huv ntawm tus me nyuam mos yug tshiab;
- Qhia tej ntaub ntawv qhia paub txog koj lub peev xwm yuav tu tau tus me nyuam mos,, suav nrog cov kev paub txog kev tu me nyuam;
- Qhia tej ntaub ntawv qhia paub txog ib yam twg uas yuav ua rau koj tu tsis tau tus me nyuam mos; thiab



- Qhia tej ntaub ntawv qhia paub txog koj li kev sib txheeb ze nrog tus me nyuam mos lwm tus niam thiab txiv.

Saib raws li txhua yam ntaub ntawv qhia paub uas tau sau los, tej zaum koj yuav tsum tau txais kev pab los ua kom paub tseeb tias tus me nyuam mos yuav muaj kev nyab xeeb. Cheeb tsam nroog thiab lub tsev hais plaub yuav ua kev txiav txim siab kawg nkaus tias seb nws puas muaj kev nyab xeeb rau tus me nyuam mos uas yuav rov qab mus nrog koj nyob los sis tsis muaj.

Lub Thawj Fab Hauj Lwm Saib Xyuas Me Nyuam Yaus thiab Tsev Neeg yog ib tug tswv hauj lwm thiab tus kws muab kev pab cuam uas muaj lub hwm tsam sib npaug zog. Yog tias koj xiam oob qhab thiab yuav tsum tau nkag cuag rau cov kev pab cuam, tau txais ntaub ntawv qhia paub ua lwm hom ntawv, los sis xav tau ntaub ntawv qhia paub uas muab txhais ua lwm hom lus, thov hu rau (608) 266-8787. Cov neeg uas lag ntseg, tsis hnov lus zoo, lag ntseg-dig muag los sis hais tsis tau lus tuaj yeem siv Wisconsin Li Kev Pab Cuam Kev Hu Xov Tooj Rau Neeg Lag Ntseg Dig Muag (WRS) pab dawb - 711 los tiv tauj lub thawj fab hauj lwm.